
LIBER III.

CAPUT I.

*De adversitatibus quas soli mali metuunt, et quas
semper passus est mundus, cum deos coleret.*

JAM¹ satis dictum arbitror de morum malis et animorum, quæ præcipue cavenda sunt, nihil deos falsos populo cultori suo, quominus eorum malorum aggere premeretur, subvenire curasse; sed potius, ut maxime premeretur, egisse. Nunc de illis malis video dicendum, quæ sola isti perpeti nolunt, qualia sunt fames, morbus, bellum, expoliatio, captivitas, trucidatio, et si qua similia jam in primo libro commemoravimus. Hæc enim sola mali depulant mala, quæ non faciunt malos; nec erubescunt inter bona, quæ laudant, ipsi mali esse qui laudant; magisque stomachantur, si villam malam habeant, quam si vitam: quasi hoc sit hominis maximum bonum, habere bona omnia, præter se ipsum. Sed neque talia mala, quæ isti sola formidant, dii eorum, quando ab eis libere colebantur, ne illis acciderent, obstiterunt. Cum enim variis per diversa loca temporibus ante adventum Redemptoris nostri

¹ Vide D. Guillon. tom. xxi, p. 213-218.

innumerabilibus nonnullisque etiam incredibilis cladi-
bus genus contereretur humanum , quos alios quam istos
deos mundus colebat , excepto uno populo hebræo , et qui-
busdam extra ipsum populum , ubicumque gratia divina
digni occultissimo atque justissimo Dei judicio fuerunt (18) .
Verum ne nimium longum faciam , tacebo aliarum usque-
quaque gentium mala gravissima : quod ad Romanum
pertinet romanumque imperium tantum loquar , id est , ad
ipsam proprie civitatem , et quæcumque illi terrarum , vel
societate conjunctæ , vel conditione subjectæ sunt , quæ
sint perpessæ ante adventum Christi , cum jam ad ejus
quasi corpus reipublicæ pertinerent.

CAPUT II.

An diū , qui et a Romanis , et a Græcis similiter colebantur , causas habuerint , quibus Ilium patarentur excindi .

PRIMUM ipsa Troja vel Ilium , unde origo est populi romani , (neque enim prætereundum , aut dissimulandum est, quod et in primo libro¹ attigi), eosdem habens deos et colens , cur a Græcis victum , captum atque deletum est ? Priamo , inquiunt , sunt redditia Laomedontea paterna perjuria². Ergo verum est , quod Apollo atque Neptunus eidem Laomedonti mercenariis operibus servierunt. Illis quippe promisso mercedem falsumque jurasse perhibetur. Miror Apollinem nominatum Divinatorem in tanto opificio laborasse nescientem quod Laomedon fuerat promissa negaturus. Quanquam nec ipsum Nep-

¹ Vide supra Lib. 1, cap. 4. — ² Virg. Georg. 1.

tum patrum ejus, fratrem Jovis, regem maris, decuit
ignarum esse futurorum. Nam hunc Homerus de stirpe
Æneæ, a cujus posteris condita Roma est, cum ante illam
urbem conditam idem poëta fuisse dicatur, inducit mag-
num aliquid divinantis: « Quem etiam nube rapuit,
ut dicit, ne ab Achille occideretur, cuperet cum vertere
ab imo (quod apud Virgilium confitetur) structa suis ma-
nibus perjuræ mænia Trojæ? » Nescientes igitur tanti dii,
Neptunus et Apollo, Laomedontem sibi negaturum esse
mercedem, structores mænium Trojanorum gratis et in-
gratis fuerunt. Videant ne gravius sit tales deos credere,
quam diis talibus pejerare. Hoc enim nec ipse Homerus
facile credit, qui Neptunum quidem contra Trojanos,
Apollinem autem pro Trojanis pugnantem facit, cum illo
perjurio ambos fabula narret offensos. Si igitur fabulis
credunt, erubescant talia colere numina: si fabulis non
crelunt, non obtendant trojana perjuria; aut mirentur
deos perjuria punisse trojana, amasse romana. Unde enim
conjuratio Catilinæ in tanta tamque corrupta civitate ha-
buit etiam eorum grandem copiam, quos manus atque
lingua perjurio aut sanguine civili alebat? Quid enim aliud
toties senatores corrupti in judiciis, toties populus in suf-
fragiis vel in quibusque causis, quæ apud eum concionibus
agebantur, nisi etiam pejerando peccabant? Namque
corruptissimis moribus ad hoc mos jurandi servabatur
antiquus, non ut ab sceleribus metu religionis prohibe-
rentur, sed ut perjuria quoque sceleribus cæteris adder-
rentur.

CAPUT III.

*Non potuisse offendere deos Paridis adulterio, quod
inter ipsos traditur frequentatum,*

NULLA itaque causa est , quare dñi , quibus , ut dicunt ,
steterat illud imperium , cum a Græcis præalentibus pro-
bentur victi , Trojanis pejerantibus , fingantur irati . Nec
adulterio Paridis , ut rursus a quibusdam defenduntur ,
ut Trojam desererent , succensuerunt . Auctores enim doc-
toresque peccatorum esse assolent , non ultores . « Urbem
Romam , inquit Sallustius , sicuti ego accepi , condidere
atque habuere initio Trojani , qui , Ænea duce , profugi ,
incertis sedibus vagabantur ¹ . » Si ergo adulterium Paridis
vindicandum numina censuerunt , aut magis in Romanis ,
aut certe etiam in Romanis puniendum fuit ; quia Æneæ
mater hoc fecit . Sed quomodo in illo illud flagitium ode-
rant , qui in sua socia Venere non oderant (ut alia omit-
tam) quod cum Anchise commiserat , ex quo Æneam
pepererat ? An quia illud factum est , indignante Menealo ;
illud autem , concedente Vulcano ? Dñi enim , credo , non
zelant conjuges suas , usque adeo ut eas etiam cum ho-
minibus dignentur habere communes . Irridere fabulas
fortassis existimor , nec graviter agere tanti ponderis cau-
sam . Non ergo credamus , si placet , Æneam esse Vene-
ris filium : ecce concedo , si nec Romulum Martis . Si au-
tem illud , cur non et illud ? An deos fas est hominibus
foeminis , mares autem homines deabus misceri nefas ?

¹ Sallust, de Catilinæ coniuratione.

Dura, vel potius non credenda conditio, quod ex jure Veneris in concubitu Marti licuit, hoc in jure suo ipsi Veneri non licere. At utrumque firmatum est auctoritate romana. Neque enim minus credit recentior Cæsar aviam Venerem, quam patrem antiquior Romulus Martem.

CAPUT IV.

De sententia Varronis, qua utile esse dixit, ut se homines diis genitos mentiantur.

DIXERIT aliquis: « Ita-ne tu ista credis? Ego vero ista non credo. » Nam et vir doctissimus eorum Varro falsa hæc esse, quamvis non audacter, neque fidenter, pene tamen fatetur. Sed utile esse civitatibus dicit, ut se viri fortes, etiamsi falsum sit, diis genitos esse credant: ut eo modo animus humanus velut divinæ stirpis fiduciam gerens, res magnas aggrediendas præsumat audacius, agat vehementius, et ob hoc impleat ipsa securitate felicius. Quæ Varronis sententia expressa, ut potui, meis verbis, cernis quam latum locum aperiat falsitati; ut ibi intelligamus plura jam sacra et quasi religiosa potuisse configi, ubi putata sunt cibibus etiam de ipsis diis prodesse mendacia.

CAPUT V.

Non probari, quod dii adulterium Paridis punierint, quod in Romuli matre non ulti sunt.

SED utrum potuerit Venus ex concubitu Anchisæ Aeneam parere, vel Mars ex concubitu filiæ Numitoris Romulum gignere, in medio relinquamus. Nam pene talis quæstio etiam de Scripturis nostris oboritur, qua quæritur utrum prævaricatores angeli cum filiabus hominum concubuerint¹; unde natis gigantibus, id est, nimium grandibus ac fortibus viris, tunc terra completa est. Proinde ad utrumque interim modo nostra disputatio referatur. Si enim vera sunt, quæ apud illos de matre Aeneæ et de patre Romuli lectitantur, quomodo possunt diis adulteria displicere hominum, quæ in se ipsis concorditer ferunt? Si autem falsa sunt, nec sic quidem possunt irasci veris adulteriis humanis, qui etiam falsis delectantur suis. Hunc accedit, quoniam si illud de Marte non creditur ut hoc quoque de Venere non creditur, nullo divini concubitus obtentu matris Romuli causa defenditur. Fuit autem sacerdos Sylvia vestalis, et ideo dii magis in Romanos sacrilegum illud flagitium, quam in Trojanos Paridis adulterium vindicare debuerunt. Nam et ipsi Romani antiqui in stupro detectas Vestæ sacerdotes, vivas etiam defodiabant²; adulteras autem foeminas, quamvis aliqua damnatione, nulla tamen morte plectebant: usque adeo gravius quæ putabant adyta divina, quam humana cubilia vindicabant.

¹ Gen. vi, 4. — ² Livius lib. vni et lib. xxii.

CAPUT VI.

De parricidio Romuli, quod dii non vindicarunt.

ALIUD adjicio, quia si eo usque peccata hominum illis numinibus displicerent, ut offensi Paridis facto desertam Trojam ferro ignibusque donarent; magis eos contra Romanos moveret Romuli frater occisus, quam contra Trojanos graecus maritus illusus; magis irritaret parricidium nascentis, quam regnantis adulterium civitatis. Nec ad causam, quam nunc agimus, interest utrum hoc fieri Romulus jusserit, aut Romulus fecerit, quod multi impudentia negant, multi pudore dubitant, multi dolore dissimulant. Nec nos itaque in ea re diligentius requirenda per multorum scriptorum perpensa testimonia demoremur: Romuli fratrem palam constat occisum, non ab hostibus, non ab alienis. Si aut perpetravit aut imperavit hoc Romulus, magis ipse fuit Romanorum, quam Paris Trojanorum caput: eur igitur Trojanis iram deorum provocavit ille alienæ conjugis raptor, et eorumdem deorum tutelam Romanis invitavit iste suis fratris extinxitor? Si autem illud scelus a facto imperioque Romuli alienum est; quoniam debuit utique vindicari, tota hoc illa civitas fecit, quod tota contempsit; et non jam fratrem, sed patrem, quod pejus est, occidit. Uterque enim fuit conditor, ubi alter scelere ablatus non permisus est esse regnator. Non est, ut arbitror, quod dicatur quid mali Troja meruerit, ut eam dii deserent, quo posset extingui; et quid boni Roma, ut eam dii inhabitarent, quo posset augeri: nisi quod victi inde fugerunt, et se ad istos, quos

pariter deciperent, contulerunt. Imo vero et illic manserunt, ad eos more suo decipiendos, qui rursus easdem terras habitarent; et hic easdem artes fallaciae suae magis etiam exercendo, majoribus honoribus gloriati sunt.

CAPUT VII.

De eversione Ilii, quod dux Marii Fimbria excidit.

CERTE enim civilibus jam bellis scatentibus, quid miserum commiserat Ilium, ut a Fimbria, Marianarum partium homine pessimo, everteretur, multo ferocius atque crudelius, quam olim a Graecis¹? Nam tunc et multi inde fugerunt, et multi captivati saltem in servitute vixerunt. Porro autem Fimbria prius edictum proposuit, ne cui parceretur, atque urbem totam cunctosque in ea homines incendio concremavit. Hoc meruit Ilium, non a Graecis, quos sua irritaverat iniquitate; sed a Romanis, quos sua calamitate propagaverat, diis illis communibus ad haec repellenda nihil juvantibus, seu, quod verum est, nihil valentibus. Numquid et tunc abscessere omnes, adytis arisque relictis, dii, quibus illud oppidum steterat, post antiquos Graecorum ignes ruinasque reparatum? Si autem abscesserant, causam requiro: et oppidanorum quidem quanto invenio meliorem, tanto deteriorem deorum. Illi enim contra Fimbriam portas clauerant, ut Syllae servarent integrum civitatem: hinc eos iratus incendit, vel potius penitus extinxit. Adhuc autem meliorum partium civilium Sylla dux fuit², adhuc armis rempublicam recu-

¹ Livius, lib. LXXXII et LXXXIII. Vide insuper Appianum in Mithridatico.—
² Cicer. Orat. pro Cælio. Sallustius in Catilin. et dii contulerunt.

perare moliebatur : horum honorum initiorum nondum malos eventus habuit. Quid ergo melius cives illius urbis facere potuerunt? quid honestius? quid fidelius? quid romana parentela dignius, quam meliori cause Romano-
rum civitatem servare, et contra parricidam romanæ reipublieæ portas claudere? At hoc eis in quantum existium verterit, attendant defensores deorum. Deseruerint dii adulteros, Iliumque flammis Græcorum reliquerint, ut ex ejus cineribus Roma castior nasceretur: cur et postea deseruerunt eamdem civitatem Romanis cognatam, non rebellantem adversis Romam nobilem filiam, sed justioribus ejus partibus fidem constantissimam piissimamque servantem, eamque delendam reliquerunt, non Græcorum viris fortibus, sed viro spurcissimo Romanorum? Aut si displicebat diis causa partium syllanarum, cui servantes urbem miseri portas clauerant; cur eidem Syllæ tanta bona promittebant, et prænuntiabant? An et hinc agnoscantur adulatores felicium potius quam infelicium defensores? Non ergo Ilium etiam tunc, ab eis cum desereretur, eversum est. Nam dæmones ad decipiendum semper vigilantissimi, quod potuerunt, fecerunt. Eversis quippe et incensis omnibus cum oppido simulacris, solum Minervæ sub tanta ruina templi illius, ut scribit Livius, integrum stetisse perhibetur¹. Non ut diceretur, Dii patrii, quorum semper sub numine Troja est², ad eorum laudem: sed ne diceretur: «Excessere omnes adytis arisque relictis dii, ad eorum defensionem.» Illud enim posse permissi sunt, non unde probarentur potentes, sed unde præsentes convincerentur.

¹ Livii, lib. lxxxiii. in quo de Ilii excidio, non extat. — ² Virg. Aeneid. II.

CAPUT VIII.

An debuerit diis iliaca Roma committi.

Duis itaque iliaca post Trojæ ipsius documentum quatenus prudentia Roma custodienda commissa est? Dixerit quispiam jam eos Romæ habitare solitos, quando, expugnante Fimbria, cecidit Ilium. Unde ergo stetit Minervæ simulacrum? Deinde, si apud Romam erant, quando Fimbria delevit Ilium, fortasse apud Ilium erant, quando a Gallis ipsa Roma capta et incensa est: sed ut sunt auditu acutissimi, motuque celerrimi, ad vocem anseris cito redierunt, ut saltem capitolinum collem, qui remanserat, tuerentur: cæterum ad alia defendenda serius sunt redire commoniti.

CAPUT IX.

An illam pacem, quæ sub Numæ regno fuit, deos præstisset credendum sit.

Hr etiam Numam Pompilium successorem Romuli adjuvisse creduntur, ut toto regni sui tempore pacem haberet, et Jani portas, quæ bellis patere assolent, clauderet: eo merito scilicet, quia Romanis multa sacra constituit. Illi vero homini pro tanto otio gratulandum fuit, si modo id rebus salubribus scisset impendere, et perniciossima curiositate neglecta, Deum verum vera pietate perquirere. Nunc autem non ei dii contulerunt il-

Iud otium : sed eum minus fortasse decepissent , si otio-
sum minime reperissent . Quanto enim minus eum occu-
patum invenerunt , tanto magis ipsi occupaverunt . Nam
quid ille molitus sit , et quibus artibus deos tales sibi ,
vel illi civitati consociare potuerit , Varro prodit . Quod si
Domino placuerit , suo diligentius disseretur loco ; modo
autem , quia de beneficiis eorum quæstio est , magnum be-
neficium est pax ; sed Dei veri beneficium est , plerumque
etiam sicut sol , sicut pluvia vitæque alia subsidia , super
ingratos et nequam . Sed si hoc tam magnum bonum dii
illi Romæ vel Pompilio contulerunt , cur imperio romano
per ipsa tempora laudabiliora id nunquam postea præ-
sterunt ? An utiliora erant sacra , cum instituerentur ,
quam cum instituta celebrarentur ? Atqui tunc nondum
erant , sed ut essent addebat : postea vero jam erant ,
quæ ut prodiessent custodiebantur . Quid ergo est , quod illi
quadraginta-tres , vel , ut alii volunt , triginta-novem anni
in tam longa pace transacti sunt , regnante Numa , et pos-
tea sacris institutis , diisque ipsis , qui eisdem sacris fue-
rant invitati , jam præsidibus atque tutoribus , vix post
tam multos annos ab Urbe condita usque ad Augustum¹
unus pro magno miraculo commemoratur annus post pri-
mum bellum punicum , quo belli portas Romani claudere
potuerunt ?

¹ Livius , lib. 11.

CAPUT X.

*An optandum fuerit , quod tanta bellorum rabie Ro-
manorum augeretur imperium , cum eo studio quo
sub Numa auctum est , et quietum esse potuisset
et tutum .*

An respondent , quod nisi assiduis sibique continuo
succendentibus bellis romanum imperium tam longe late-
que non posset augeri , et tam grandi gloria diffamari ?
Idonea vero causa : ut magnum esset imperium , cur
esse deberet inquietum ? Nonne in corporibus hominum
satius est modicam staturam cum sanitate habere , quam
ad molem aliquam giganteam perpetuis afflictionibus per-
venire ? nec cum perveneris , requiescere ; sed quanto
grandioribus membris , tanto majoribus agitari malis ?
Quid autem mali esset , ac non potius plurimum boni , si
ea tempora perducarent , quæ perstrinxit Sallustius , ubi
ait : « Igitur iniijo reges (nam in terris nomen imperii id
primum fuit) diversi ; pars ingenium , alii corpus exer-
cebant : etiam tum vita hominum sine cupiditate agita-
batur , sua cuique satis placebant¹ . » An ut tam multum
augeretur imperium , debuit fieri quod Virgilius detes-
tatur , dicens :

Deterior donec paulatim ac decolor ætas ,
Et belli rabies , et amor successit habendi² .

Sed plane pro tantis bellis susceptis et gestis , justa defen-
sio Romanorum est , quod irruentibus sibi importune inimicis
resistere cogebat , non aviditas adipiscendæ laudis

¹ Sallust. in Catilin. — ² Virg. Æneid. viii.

humanæ, sed necessitas tuendæ salutis et libertatis. Ita sit plane; « Nam post quam res eorum, sicut scribit ipse Sallustius, legibus, moribus, agris aucta, satis prospera, satis que pollens videbatur, sicuti pleraque mortalium habentur, invidia ex opulentia orta est. Igitur reges populique finitimi bello tentare, pauci ex amicis auxilio esse. Nam cæteri metu perculti longe a periculis aberant. At Romani domi militiaeque intenti festinare, parare, alius alium horari, hostibus obviam ire; libertatem, patriam, parentesque armis tegere. Post ubi pericula virtute propulerant, sociis atque amicis auxilia portabant, magisque dandis quam accipiendis beneficiis amicitias parabant¹. » Decenter his artibus Roma crevit. Sed, regnante Numa, ut tam longa pax esset, utrum irruerant improbi belloque tentabant; an nihil eorum fiebat, ut posset pax illa persistere? Si enim bellis etiam tum Roma lacesebatur, nec armis arma obvia ferebantur, quibus modis agebatur, ut nulla pugna superati, nullo Martio impetu territi sedarentur inimici, his modis semper ageretur, et semper Roma, clausis Jani portis, pacata regnaret. Quod si in potestate non fuit, non ergo Roma pacem habuit quandiu dii eorum, sed quandiu homines finitimi circumquaque voluerunt, qui eam nullo bello provocaverunt: nisi forte dii tales etiam id homini vendere audebunt, quod aliis homo voluit sive noluit. Interest quidem jam vitio proprio, malas mentes quatenus sinantur isti dæmones vel terrere vel excitare: sed si semper hoc possent, nec aliud secretiore ac superiore potestate contra eorum conatum saepe aliter ageretur, semper in potestate haberent paces bellicasque victorias, quæ semper fere per humanorum animorum motus accidunt: quas tamen plerumque contra eorum fieri voluntatem, non solum fabulæ multa mentientes, et vix veri aliquid

¹ Sallust. in Catilin.

vel indicantes, vel significantes, sed etiam ipsa romana confitetur historia.

CAPUT XI.

De simulacro Cumani Apollinis, cuius fletus creditus est cladem Græcorum, quibus opitulari non poterat, indicare.

NEQUE enim aliunde Apollo ille Cumanus, cum adversus Achæos regemque Aristonicum bellaretur, quatriduo flevisse nuntiatus est: quo prodigo haruspices territi, cum id simulacrum in mare putavissent esse projiciendum, Cumani senes intercesserunt, atque retulerunt tale prodigium et Antiochi et Persis bello in eodem apparuisse figmento: et quia Romanis feliciter provenisset, ex senatusconsulto eidem Apollini suo dona esse missa testati sunt. Tunc velut peritores acciti haruspices responderunt simulaci Apollinis fletum ideo prosperum esse Romanis, quoniam cumana colonia Græca esset, suisque terris, unde accitus esset, id est, ipsi Græciæ luctum et cladem Apollinem significasse plorantem. Deinde mox regem Aristonicum victum et captum esse nuntiatum est, quem vinci utique Apollo solebat et dolebat, et hoc sui lapidis etiam lacrymis indicabat. Unde non usquequa incongrue, quamvis fabulosis, tamen veritati similibus, mores dæmonum describuntur carminibus poëtarum. Nam Camillam Diana doluit apud Virgilium¹, et Pallantem mortitum Hercules flevit. Hinc fortassis et Numa Pomplius pace abundans, sed quo donante nesciens, nec requi-

¹ Virg. Eneid. xi.